



সাধ জাগে

মখদুম আজম মাশরাফী

তোমার শক্তির কাছে পরাভূত হতে সাধ জাগে ।
আমার ভেতরে যত বোধ চোখ খোলে,
মনের তন্ত্রিতে বাজে সেতার, এন্দ্রাজ আর রাখালিয়া বাঁশী ।
তুমি সেই পরাক্রমা দেবী,
আমার যৌবন জন্ম হতে প্রতি পল, প্রতি ক্ষন, নিত্যদিন আসো
মনের মন্দির তলে, গর্বিত মন্তপে ।
কোমল প্রদীপ শিখা সন্ধ্যার শঙ্খের নাদে বহুলপে,
কখনও বিদ্যার দেবী, বীনা-পাণী পদ্মবাহনে,
কখনও ভাগ্যের দেবী মিথুন বাহনে,
কখনও দুর্দশানাশিনী বেশে জয় করে আসো সব
শারদীয়া সুন্দর প্রভাত ।
আবার শ্যামার কৃষ্ণ শাসনে তুমি তছনছ করে দাও ভূবন ও সমাজ ।



আমি জটাধারী শীরের নেশার ঘোরে তোমাকেই চেয়ে দেখি,
যেন পৃথিবী সুন্দর শুধু তুমি আছো বলে ।
যেন তোমার রূপের জ্যোতি বয়ে আনে পরিপূর্ণ দিন
তোমারই রচিত সেই কৃষ্ণধন তমসার রাত্রির শেষে ।

মখদুম আজম মাশরাফী, রকিংহাম, পার্থ, ৪ মার্চ ২০০৬

[কবির পরিচিতি জানতে শীর্ষে তাঁর ছবিটিতে টোকা মারুন]